

手鑑
一本

傷寒舌鑑

長卿張登誕先彙纂

同邑邵之鵬三山校

白胎舌總論

傷寒邪在皮毛初則舌有白沫次則白涎白滑再次
白屑白泡有舌中舌尖舌根之不同是寒邪入經之
微甚也舌乃心之苗心屬南方火當赤色今反見白
色者是火不能制金也初則寒鬱皮膚毛竅不得疏
通熱氣不得外泄故惡寒發熱在太陽經則頭痛身
熱項背強腰脊疼等症傳至陽明經則有白屑滿舌
雖症有煩燥如脈浮緊者猶當汗之在小陽經者則

胎白帶用小柴胡湯和之胃虛者理中湯溫之如
色少變黃者大柴胡大小承氣分輕重下之白舌
有死症不可忽視也。

微白滑胎舌

微白

紅紫

寒邪初入太陽頭疼
身熱惡寒舌色微白
有津香蘇散羌活湯
之類發散之。

薄白滑胎舌

薄白

紅深

此太陽裏證舌也。二
三日未會汗。故邪入
丹田漸深。急宜汗之
或太陽與少陽合病
有此舌者。柴胡桂枝
湯主之。

厚白滑胎舌

厚白

病三四日其邪只有
太陽故胎純白而厚
却不乾燥其證頭疼
發熱脈浮而緊解表
自愈

乾厚白胎舌

乾厚白


病四五日未經發汗
邪熱漸深少有微渴
過飲生冷停積胸中
營熱胃冷故令發熱
煩躁四肢逆冷而胎
自乾厚滿口自屑宜
四逆散加乾薑

白胎黃心舌



此太陽經初傳陽明
癰病舌也若微黃而
潤宜再汗待胎躁裏
證具則下之若煩燥
嘔吐大柴胡湯加減
亦有下三黃水沫無
搖蕪者大承氣下之

白胎黃邊舌




舌中見白胎外有微
黃者必作泄宜用解
毒湯惡寒者五苓散

乾白胎黑心舌




此陽明府兼太陽舌
其胎邊白中心乾黑
者因汗不微傳至陽
明所致必微汗出不
惡寒脈沉者可下之
如二三日未曾汗有
此舌必死

白滑胎尖疾刺舌



此陽明府兼少陽舌
也三四日自利脈長
者生弦數者死如有
宿食用大承氣下之
十可全五

白胎滿黑刺乾舌



白胎中生滿乾黑芒
刺乃少陽之裏證也
其證不惡寒反惡熱
者大柴胡加芒硝急
下之然亦危證也

白滑胎黑心舌



白胎中黑爲表邪入


裏之候大熱譫語承

氣等下之倘食復而

發熱或利不止者難

治

半邊白滑舌



白胎見於一邊無論

左右皆屬半表半裏

並宜小柴胡湯左加

葛根右加茯苓有欬

嗽引脇下痛而見此

舌小青龍湯夏月多

汗白利人參白虎湯

藏結白滑舌

黑黃

白滑

或左或右半邊白胎

半邊或黑或老黃者


寒邪結在藏也黃連

湯加附子結在咽者

不能語言宜生脈散


合四逆湯可救十中

白胎黑斑舌



白胎中有黑小斑點
亂生者乃水來尅火
如無惡候以涼膈散
承氣湯下之十中可
救一二

白胎燥裂舌



傷寒胸中有寒丹田
有熱所以舌上白胎
因過汗傷營舌上無
津所以燥裂內無實
熱故不黃黑宜小柴
胡加芒硝微利之